



Kari Bråtun kryssar gangfeltet. No vert det opphøgd. (Foto: Ola Matti Mathisen)

**Statens vegvesen har no kome med framlegg om at gangfeltet ved busslomma i Uskedalen blir opphøgd.**

**Dette vil gjera kryssinga tryggare. Det vil auka tryggleiken for dei mjuke trafikantane. Vegvesenet har god erfaring med opphøgde gangfelt.**

Statens vegvesen opplyser at det gjennom Uskedalen er ein årsdøgntrafikk på ca. 2500.

Det er her eit skulesenter med 2-sidig busstopp på 'rett' side av vegen, men det er likevel ein del skuleborn som må krysse vegen i dette området kvar dag.

FAU og skuleleiinga har vore i kontakt med Statens vegvesen og Hordaland politidistrikt og etter einsynfaring vart det anbefalt å setta opp eit opphøgd gangfelt. Det er opplyst at gangfeltet skal byggjast som modifisert sirkelhump.

Politidistriktet og kommunen skal uttale seg om saka innan 13. juni.

Fartsgrense på 50 kilometer i timen og skilt som varslar skuleborn blir som før.

Av Ola Matti Mathisen